



Infurmaziuns dalla suprastanza digl cumejn Albula/Alvra:

Schaner / favrer 2019

- La suprastanza communalà ò repartià igls departamaints per la nova perioda d'uffezi scu er eligia u confirmo igls commembers dallas cumischungs correspondentas. Ena publicaziun separada è succedeida igls 17/18 da schaner 2019.
- La suprastanza ò fixo igls termins per igl 2019 scu er approvo igls puncts principals digl 2019.
- Las tractandas per la radunanza communalà digls 27 da favrer 2019 èn neidas fixadas ed approvadas.
- Per sviluppar igl project «KITA Alvaneu», ò la suprastanza concedia ena contribuziun da CHF 11'300.00. L'elaboraziun succeda antras Nido del Lupo, Alvagni vischnanca.
- La suprastanza ò approvo diversas dumondas da biagier.

Per elaborar en'expertisa an connex cun l'introducziun d'ena zona 30 a Casti, ò la suprastanza approvo en credit da CHF 5'600.00. L'expertisa vign elaborada dalla firma Hartmann e Monsch SA, Parpan,

- La suprastanza ò approvo l'invitaziun ed igl messadi pertutgont la radunanza communalà scu er igls rendachints finals digls suandonts projects per mang dalla radunanza communalà:
 - Stierva: sanaziun dalla veia locala da vischnanca;
 - Stierva: amplificaziun dall'avertura da gôt ed alp;
 - Casti: annexa e midada da construcziun dalla staziun da transformaziun a Casti vischnanca;
 - Casti: furniziun d'urgenza dall'ovra electrica, lengia da 11 kV, a parteir dalla centrala dalla ALK.
- La suprastanza è neida orientada detagledamaintg digl studi «Visiun e fegnameiras scu er l'agenda turistica digl cumejn Albula/Alvra». La populaziun vign infurmada davart chellas cunaschientschas igl avregl/matg 2019 a caschung d'en'occurrenza publica.
- Per igl mantignamaint (maseiras da construcziun tenor la sieranza d'edifezis digl Grischun (GVG/AEG) dalla staziun da transformaziun «Faderna» ad Alvagni vischnanca, ò la suprastanza concedia en credit da CHF 19'000.00.
- Agl rom dalla midada dalla lescha federala davart dalla planisaziun da spazi tgi è an vigour siva digl 1. da matg 2017, ò la suprastanza decida, da relascher ena zona da planisaziun per igl antier territori communal per sierar areals da dezonaziun potenzi- als. Chel decret vala exclusiv per bagn immobigliars betg surbiagias ainten la zona da biagier.

- La suprastanza ò fixo igl termin per la sagonda radunanza communal 2019 sen igl 1. da matg 2019. Mademaintg èn neidas defineidas las tractandas tgi on da neir discussiunadas.

Infurmaziuns dalla radunanza communal digls 27 da favrer 2019

- Sen fundamaint dalla legislatura federala e cantunala revideida cumplettamaintg, on igls votants digl cumegn d'Albula/Alvra approvo la revisiun parziala digl dretg da vischinadi sainza cuntervusch.
- Igls votants on do liber mang alla suprastanza da vender agl migler offerent igls suandonts bagn immobigliars (facultad da finanzas) per la valeta commerciala resp. per igl prietsch current sen la fiera da bagn immobigliars cumparegliabels:
 - Bogn d'Alvagni: «Tgesa communal viglia»;
 - Alvaschagn: Tgesa communal «Caschnera»;
 - Mon: Tgesa communal;
 - Stierva: Tgesa communal «Mezvei».
- Igls votants èn nias infirmos detagledamaintg davart l'elaboraziun d'en studi da realisabladad «Edifezi per l'administraziun» dalla firma Stauffer & Studach SA, Coira sen igl areal dalla staziun a Casti. An chest connex ègl er nia ranviia allas ancunashientschas digl concept da traffic statua.
- La radunanza communal ò piglia per cunaschientscha igls rendachints finals digls suandonts projects:
 - Stierva: sanaziun dalla veia locala an vischnanca;
 - Stierva: amplificaziun dall'avertura da gôt ed alp;
 - Casti: Annexa e midada da construcziun dalla staziun da transformaziun a Casti vischnanca;
 - Casti: Furniziun d'urgenza ainten l'ovra electrica da Casti cun ena lengia da 11 kV a parteir dalla centrala dalla ALK;
 Tot igls projects èn nias saros giu pi bass tg'igls credits concedias.

La suprastanza